

白雲山房集

貞



976448

白雲山房文集卷之五

濟南新城張象津漢渡甫著

墓誌銘

金衢嚴道王公墓誌銘

公青州臨淄人曾祖諱常明季以廩生罹寇難曾祖妣齊氏撫三孤有成家始益大祖諱穎士令內黃父諱克寬令於潛皆進士今贈公官祖妣李氏妣楊氏畢氏皆贈恭人公諱勳字賡堂自號愚莊乾隆十六年進士試陝西甘泉縣令再攝韓城蓋屋授大荔以材移渭南皆有惠政遷知雲南武定府別攝永昌是時滇南用兵助理軍興凡三年

白雲山房文集

卷五

一

驅馳夷徼食道上日過半不專府事軍旋以勞增一級裁改貴州補黎平討獲亂民香要等當超擢功掩賞不行入之遷浙江金衢嚴道浙內地公喜政易成剔弊移風化甫行而公病病歸一歲而公卒矣公慷慨有大節為子弟醇謹甚行誼過人好學問九歲能屬文長益篤著述皆可傳官大荔創豐康書院聚生徒以所素得者口授而指畫之士以益進與人坦易所至信著於民吏不忍欺遇事明決有氣力在關中凡一逮連猾兩出冤民人以為難滇南時涉歷險阻蒙犯瘴霧病幾殆不可止及黔上憲知其能遂有香要之事香要者黎苗也黔賊能以智箝伏諸苗小

不當意遂煽其類爲變穴箝中恃險官不能討公得檄馳至府旣偵得實以卒三百人兼程進直入擒之散諸脅從出苗民被掠者男婦數百人境以大安後功爲人冒初無愠容有問者以他語亂之公素有抱負皆天下致治之大原確然必可見諸世者使其志得竟民被澤當益遠乃卒有功不獲以時進晚得專一路治不及成而纏綿以疾去去不週期齋志以卒其可悲也公娶益都畢氏永昌道布政參議忠吉女孫諸生口霍之女有賢行生子二曰朝錄湖南貴陽尉出嗣公長兄煦曰朝筆應得州尉赴選未上謁以公疾還女三人小者側室出孫二人公自少不問

白雲山房文集

卷五

二

生產喜施予急周卹家以故貧晚益甚歸時囊橐蕭然惟市花木數本葺草堂以居仕宦二十載自奉儉約如諸生凡享年六十有六以乾隆四十年九月卒旣卒三年始克葬銘曰字阿者四礎而楹之寢其奕奕易以爲榱桷且不施豈本之責匪無工師枳棘亂之乃命之戾氣回大谷別出萌芽是謂有獲我銘不誣牛山之腹以伐立石

誥授朝議大夫河南衛輝府知府季陶王公暨元配

趙恭人合葬墓誌銘代

乾隆四十七年正月初三日原任衛輝郡守王君菊園卒於里第以五十一年十月十五日葬於所居之北原其年冬十一月二十三日配趙恭人卒以五十五年二月二十五日啟君隧合葬焉孤泮使以兩狀來乞銘余於君旣姻好相知爲深不可辭君諱時亮字季陶一字寅蒼號菊圃幼警敏好讀書早孤一弟亡家多艱難而讀不少輟丙戌丁亥間以乙科起家試縣直隸歷阜平保定得北新城以廉明慈惠爲治遷知河南裕州數月擢知府事初署汝寧旋實得衛輝衛輝饑饉後河決民困歲復大水屬官徂於利害不肯告災君親循察至延津平地水及馬腹乃請於上憲得緩征罷役開廩賑之人賴以蘇會河工未竣凡再于役初總北壩旋遣疏決引河兼管草料場而近河水淹無房屋惟構草舍於沙土中濕氣蒸騰夜或風雪交作沙土埋身寸餘蓋二百餘日工甫就而君以病移病歸之明年遂卒不竟其用惜哉君爲政精勤明果事無所留而慎於折獄爲縣時他州縣事不能決者多屬君若文安若霸州所決凡數十事人以爲神甲午秋逆賊臨清州之變奉羽檄從兵備道單公守清河清河城圯兵寡不可守時制

軍幕府駐故城單公遣君往請益兵君馳至上謁謁進未
入問俟於門見公人往來中一人形貌有異漫呼之不應
急叱縛之則賊謀也執以入制軍親訊之蓋賊前使人偵
知故城兵亦少不敢信故再遣諜諜如不獲歸得虛實卽
於是夜豕突故城矣制軍大喜因留君自隨而賊亦竟不
敢前蓋君事事精核所在境中盜屏迹他盜過者必獲其
遷州守郡守皆以得他境盜也苟所試者大其材略寧止
是哉高祖諱常贈奉政大夫曾祖諱哲士文林郎樂清縣
知縣祖諱克仁朝議大夫父諱曰螭由文林郎贈如君官
母劉氏由孺人累贈恭人其先世蓋直隸棗強人再遷爲

白雲山房文集

卷五

四

臨淄孫婁店人五世以來并以諸生得贈官娶趙氏封恭
人益都諸生諱本悖女幼穎慧沉靜母家以恭淑見稱夫
家以慈儉見稱君自補諸生至癸酉以拔貢舉鄉試能以
無累佐君讀君任官政恭人從無累心於署者不從無累
心於家者先是君高祖奉政公明末以諸生罹寇難厥配
齊宜人以節顯薨阨中復完其家王氏族在臨淄成名進
士者十餘人宜人之後居過半焉人謂君能以明德繼其
前人恭人能以賢淑嗣其徽音也子四人沂候選府經歷
娶耿氏沈氏王氏淦諸生娶孫氏黃氏出嗣君弟洛貢生
娶余女孫皆恭人出泉側室包氏出聘馮氏女女五人皆

適名族孫四人孫女五人君生以雍正六年十月十三日
戌時卒年五十有五恭人與君同年生生在五月十二日
寅時卒年五十有五有九銘曰萬時之間澗澗所源中有吉壤
鬱爲高原前人藏之淑德名賢後人大之如瀧岡阡

誥授朝議大夫貴州鎮遠府知府前江西建昌府知府敬亭王公墓誌銘

公諱祖肅字季龍別字敬亭先世自瑯琊公貴由諸城遷稱大槐王氏至公十一世爲濟南新城人父諱兆郎以國子生例得州佐娶同邑伊大中丞之女孫生公於先人太司徒見峰公舊第祖諱啟沉舉明經曾祖諱士禧海內所稱禮吉先生著抱山集者也禮吉兄曰考功西樵季曰司寇阮亭由考功而上世爲名公卿著顯績由禮吉而下三世弗在仕籍公幼以才著故早歲家爲最任需次銓曹然非所好也以諸生應鄉舉四不遇久之乃投牒赴江蘇試

白雲山房文集

卷五

六

州倅乾隆二十二年年四十一假常熟丞明年改句容假縣事又明年補華亭滿二載委令震澤旋署武進及上海逾歲察廉能轉令武進爲眞三年百廢俱舉政清人和境內大治以察奸人俞念行事聞於上受知記名乙酉擢徽州司馬丁亥解蕪湖稅赴都歸暫假府篆旋署池州己丑建德縣諸生徐玠以誣陷自刎爲雪其冤縣人感之萬人齋衣繼以來力却之其年七月特簡知江西建昌府府城外大河四五月盛龍舟之戲人荒於嬉久或墜水以死首禁之俗遂革民間作太守變俗之歌斥貪墨禁奸慝重農桑謹學校凡有關於典禮風教皆有成式或鐫諸石

在任四載正身率屬屬官化之民隱無不得達知名愛其上廉明公正之譽徧大江南北而平反吳秀高熊中立鄧近占冤獄尤爲遠近所頌然貧己甚至采署後隙地旅生藿馬菜以食衣質典舖舖燬而衣燼焉學使曹內翰文植嘲之曰人久知公兩袖清風豈知今並兩袖之俱無一時爲口實以病去官上官深惜之有江西從此少一良二千石之語歸時民泣送輿不得行既登舟兩岸來者不見其後蓋公所感深矣過江跨一驢行三千里人不知爲四品官也病愈起家補貴州鎮遠府是時母已老郡遠在七千里明年正月旋得家書母病六閱月不愈遂引終養例回

白雲山房文集 卷五

七

籍年六十二不復出矣公爲人沉毅敏果遇事精覈能勞苦然清而不苛愼而勇於事事有利於民爲之不俟終日丞向容曰有鹽責爲畫設子口至今商民便之丞華亭檄查寶應積逋已知逋弊在役侵乃齋餼糧週迴七百里戶周誦之數月民以免累在上海分防海塘在徽州分勘廬鳳水利咸以躬親備履或興或廢民皆得其大利又常以太平久民咸樂業所患苦惟盜賊守令親民去莠所以安良也是以歷任尤加意焉初署震澤不兩旬境內盜盡得署武進得宜興盜兩人再莅武進察得海上劫盜十一人又得河港冒舫船賊男女大小四十八人賊家於船已三

世船中父子夫婦皆盜也轉竊蘇杭常鎮間數十年遇公始發之以故所至盜皆屏跡然亦精心識力所獨至他人效之不能也俞念行者武進細民也無賴耗其業長兄早亡欲取其產次兄義行不從忿而去久之至京師遂假刑部文賄旗人投縣以傾害其兄公疑部文無徑行縣之事而印封弗誤乃賺其人於署而單騎親尋義行見其方課童子讀書皆茫然鄰一人忽言念行方在河上義行實不知也公轉念或念行累其兄於本籍既拘其兄不可遂逸其弟復單騎招之至署其人身有頂帶而詞支梧不可詰斯時公已密遣縣尉取其寓船行李搜得木刻私印及他

証念行始無詞是役也辰起申畢始用早餐義行即日得釋蓋公摘發奸伏安撫良民之誠有以通乎神明其平反諸冤獄皆此心也吳秀高之事與屬官往復久之熊中立之事至與行臺面爭之以爲官可不爲萬不可由己手枉殺一人也蓋是獄公感異夢故不肯置此與驗瞿姓婦時屍忽開目因得正犯人皆以爲奇實常理也公於民命一念所感鬼神與通豈偶然哉至於斷大事則陰息陽湖武進兵民之爭鎮撫南豐乞丐訛言之變力請移常州秋審於省城奏著爲令皆有古名臣風而於吳縣脫黃姜兩令之容迫於池州免前任李君本樟之累求張百川後存卹

之類則居心仁而用意厚又公之天性與其家法然也公
廣額修眉精神過人而蘊藉弗露才大心細吏治特所見
端固由家學淵源抑其生實有以異於常人在母時外祖
伊公作霖爲曹州廣文使日者雄縣人田乙筮之曰男也
生當在某月日時吉已而果然公生於康熙五十六年五
月二十五日卒以乾隆五十七年七月十一日年七十六
歲配伊氏同邑恩生諱應選女繼韓氏青城縣歲貢諱澤
吉女側室汪氏皆有賢行以 覃恩公階朝議大夫三世
皆贈公官妣太恭人兩配俱恭人汪以子封太孺人子一
人宸仔辛卯順天舉人河南商城知縣孫五人允寵允宣
允密允禱允案俱儒業諸生曾孫五人嗣商城君宸仔將
以五十八年十二月十一日葬公及兩恭人於長山繩家
莊先人之兆使來乞銘銘不敢辭亦不敢飾也敬卽事與
史例應者質言之銘曰伊川有言一命之士苟存心於愛
物於人必有所濟公之治龔黃邪廉杜邪其偶然耳才實
有所未旣公侯之子孫必復其始後之人誰爲司徒司馬
方伯司寇之爲忠勤繼也用銘隧道之石券諸世世

奉直大夫候補知州孫聖淵墓誌銘

公諱懷洙字聖淵姓孫氏其先直隸棗強人也遠祖皇明
洪武時來居臨淄潯水之陽其世始可紀十餘傳至 贈
中憲大夫候補知府諱士恒乃益大其家是爲公祖中憲
生三子仲諱鈞 封朝議大夫娶馮氏 封恭人是爲公
考若妣生四子公之次亦爲仲孫氏世居潯水之北澳成
大聚自中憲又徙而西北四里別爲一村其村西一里有
圯城曰高陽故漢縣也瀆潯合流經其前地宜禾黍麻菽
宿麥彌望皆業於中憲子孫彷彿南陽之樊陂關內之章
曲第不以姓繫耳至其處者觀其盛間訪問其祖德其緒

白雲山房文集

卷五

十

造有足以感人而可爲世法者入其家四世三十餘人皆
敦朴厚重訥訥不與時迕蓋中憲之家法如是抑公當諸
父衰謝後獨爲一門望夙篤躬行有以維之不替也公幼
有異稟嗜詩書文翰習舉子業有成試旣不得輒棄去而
至性過人少執馮恭人喪哀毀如成人事繼母王恭人益
以孝著其事朝議公人以爲終身如郎中令建之事萬石
君也聞朝議寢疾時屏人居靜室公累月侍寢門寒夜伏
砧上淚灑於石凝爲冰中見赤漸晨起過者無不出涕故
公終身爲善如不及其知者以爲于公特餘事也公素豐
偉晚乃頽然如不自攝以病廢豈公幽抑怫鬱亦有不自

得者然歟凡人於所性能盡其然之謂德盡其然而終身
不願人知斯潛德已故古人卓絕篤至之行徃徃不傳於
世蓋其可言者或不必傳而其可傳者又不可得言也然
誠篤之至終不可泯雖當其身之既歿其志必宜伸時乃
天道不可誣也公有丈夫子五人皆能守其家法嶄嶄然
咸見頭角意天之所以厚公者將在此由是觀之不言亦
可也公生以康熙五十四年十月十四日卒以乾隆四十
二年二月二十九日年六十三歲己巳歲貢生 誥封奉
直大夫候補知州元配吳氏 贈宜人生一女宜人卒繼
配王氏 封宜人生五男二女長男楫候選鹽課使司監
課使次榔出嗣卒次柱太學生次柯次楸女三人長吳出
也適淄川任江西浮梁縣縣丞翟藻餘未字孫男四人將
以明年戊戌二月二十五日葬公於莊北之新兆嗣君楫
來請銘銘曰金開石裂天森沉悲怫鬱兮向天吟古有幽
操托清琴我欲彈之盡公心惟銘不滅藏之深

誥封武德佐騎尉候選營千總何公墓誌銘

嗚呼今誰爲銘銘吾何六兄也是嘗共艱難危苦晝夜不得食息三年畢力悴心岌岌而僅能有濟者也天下事害人者不可爲益人而非其分內不得爲得爲矣或怵於利害或牽於浮言所賴知義之士見真而守定或出或處人世方視爲有無而牽連凋謝惡能無感况親與共艱辛患苦者乎傷哉公諱殿魁字星五世居濟南府新城陳家莊爲望族陳其本姓明季有所避從今姓自大宗伯端簡公議復之不果皆不改也高曾來以諸生孝弟力田家稱裕父贈武德佐騎尉庠生鳳翥母姜太宜人以乾隆二年丁

白雲山房文集

卷五

三

已歲生公四歲喪母兄貢生殿颺九歲兄弟朝夕出入相依事繼母以孝聞長讀書微鈍代父理家事以從兄殿邦武科起家兼習騎射一歲與兄同入縣學爲文武諸生兄和而毅公敏而果大抵有事兄主之而勞力馳驅已則任之以故終身雍睦無間言而鮮有敗事戊申以事至其家孰其昆季行誼始與定交後五年壬子予讀書青社石峽山房邑人以贏車趨予歸歸則公與邑六人待於司馬橋北墟落間松下方有所商而未決也初東省城工原請帑官修新城則帑已半發而工料未動承辦者憂懼卒官人揣繼辦者必棘手而民或大累是時前邑侯劉寄菴明府

以病痊需次會城人尙未之知明府者廉潔愛人新民所恃爲慈親而望之如望歲者也公長子維幼職塘務走書寄信公與衆議懇諸上憲請以來合縣助修則事有可爲繼果得請是役也邑人士矢諸神祇自備資斧不私糜一錢不私徇一人一物蓋六七十人勤諸內公獨勤諸外晨出宵歸眠食無定時凡再闕歲工完而官民不困然從來官帑大工掣汁者衆利在此則不利在彼非明府恩德素洽於民而善任人不必有濟非公與諸君子持已有定力不必能任也乃城工甫竣明府竟以曹縣前令事望悞例出口往軍臺新民老幼婦孺號泣不知所爲後聞有捐贖例而無從質訊羣萃於公兄弟之門公晝夜馳驅詞何果有例可援乃慷慨爲謀畫又恐新民不能盡知與邑士分投徧歷窮村僻壤人人備告之記一日分行東北湖塽風雨暴至泥水條及膝淋漓傾注中月黑行十二里得民居耿孝廉宗捷腿瘍痂泥結於禪襪若一不可脫張受祚周光燦但鬢及二目白可認相與踞一椽達曉歸則他村至者胸以下皆泥而公面改黃癯眉額間乾泥未拭以事急不及飯攜所贖金與張公文麟旋涉泥水以去蓋此事公與張首倡之邑士助之乃得猝辦無悞後聞二人至省一晝夜行三百里追明府不及洒涕歸以他人齎金赴部而

明府竟得蒙 恩賜環入關嗟乎讀書貴明義理而勇於

義者不必多讀書使公執筆與文士較藝必謝不能然卽此兩事視讀書人何如天下眞讀書者宜知世有此人也公雖未爲世用例得武職銜身止中人磊磊有英氣事非心曉不肯苟同旣曉舍己不吝與予以公事相爭至面顏者數矣而徐之無不見從者公長于我一歲竟以脣瘍纏綿不起余視其疾十一次歸則心氣累日不舒氣誼之感人所不能無也回憶共事者如同舟中流一壺忽忽十年來李公欽符已先卒于公丹符又卒公兄弟相繼卒今年王公和亭又謝世矣悲哉公娶王宜人邑名宿道然公同產女弟明詩禮以賢孝著稱公兄弟終身無間宜人娣姒亦雍睦無間生男二人維紉武舉管理山東塘務候選守禦所千總維綺貢生候補布政司經歷女二人一適馬氏一適王氏孫男四人貽穀貽牟貽哲貽燕公生于乾隆二年十月二十日卒于嘉慶五年十月二十八日宜人生于雍正十二年九月十六日於乾隆五十五年五月十四日先公卒維紉以公兄弟兩狀乞銘於劉明府明府銘公兄而以公銘見屬義不得辭心實不忍也今卜新兆將以壬戌十二月十三日葬公于城西南浯河之陽期近不可再需矣乃忍而銘之銘曰穹宙起何年茫茫無垠罝不窳與

不顏何恃也恃有立人觀其異肝膽也楚越不親觀其不
異窮達何分也分有同仁何公之事稔其內信其外質所
守信所任也後誰也聞風者桑梓士宜有能循理實千秋
弗異也永諸幽視貞珉

白雲山房文集

卷五

五

勅授修職郎青城縣儒學教諭石塘魯先生墓誌銘
先生諱繼祖字念劬石塘爲別號世居青州府益都縣之
普通鎮其始遷由七世祖大同公以上譜系莫能詳高祖
諱某曾祖諱某大父諱某皆隱德不仕由七世祖子姓始
繁由大父家始益大大父有子二人長諱某字召遺次諱
某字寅賓皆以國學生知名於世後召遺公以嗣子官

勅贈修職郎青城縣教諭寅賓公亦以子官 例贈文林
郎河南某縣知縣召遺公配左孺人寅賓公配孟孺人俱
以子官贈太孺人孟太孺人生四子長君弼遺子女各一
先卒次則先生次繼善己亥科舉人官河南某縣知縣生

白雲山房文集

卷五

六

二女一子卒于官子亦旋殤次敘九早卒無出先生幼有
異質爲父母世父母所愛九歲出繼爲召遺公後涕泣竟
日十五歲應童子試縣府皆第一旣爲諸生從李西園先
生學學益進科歲四試四冠其曹任邱李文園先生來視
學尤器重之旣以親命援例爲學官非素志也初委署萊
陽新城鄒平館陶博平五縣教諭後實補青城凡八年秩
滿學使者趙公太守李公擬保舉縣尹薦書已具而病不
能往遂移疾歸蓋以孟太孺人春秋高而兄弟凋謝孀婦
孤兒數十年婚嫁撫育惟恃先生一人畢爲措置粗安矣
而中有未已也先生初娶崔氏同邑候選府經歷諱瑞公

女先卒有子女各一皆殤再娶於王臨淄縣壬申進士廣西凌雲縣知縣諱曰賡女先後實佐先生以庀家政生子六人長塤附貢生先卒次壇以嗣弟敘九次垣先卒次坊廩貢生次增癸酉科拔貢旋以是年舉鄉試經魁次坪候補刑部司獄以嗣弟繼善孫幾人女孫幾人先生自爲諸生與弟繼善俱有四方盛名新城益都壤相接居址去不百里然以異郡相慕而不及一謁也乾隆丙申冬津以選貢貢成均明年七月先生來攝博士篆實主繕送會考文牒乃得一謁而獲聞緒論大抵謂開誠而布公盡已而無求爲上交下交之本又曰學官固不宜作威學校以媚長

官亦不當袒護諸生以撓政事會文課藝尙爲餘事此先生居官之大畧也然此及其推解施濟普被族黨鄉鄰盛傳人口者又皆爲先生餘事也先生由祖父來家稱豐裕及先生學成而家運坎壈漸以多故同氣俎謝之慘而孤幼翼覆之難惟先生一人所以處之者無不曲當其情而周盡其理締造數十年而家運始復百爲就理詩書承繼方興未艾以先生之才與先生之學而官止學博不竟其施則先生所以自處與天所以處先生者諒非偶然因又知盛衰之際天慙遺一人以篤復家門之元氣則其先世之陰德積累培植爲尤遠也先生生於乾隆某年月日卒

於嘉慶某年月日享年如干歲卜以某年月日葬于某方
之某原先期先生第五子增以孝廉夏君所爲行畧來徵
銘誼不敢辭乃益以素所能知者並敘而銘之銘曰青社
舊郡地古風淳沂公以後代有偉人先生繼起才優學醇
不竟厥施事非無因門庭締造萃諸一身艱難劬瘁儀一
情均篤近及遠遠貽後昆桂馥槐榮是爲根原先生何憾
信諸貞珉

馳封修職郎李公合葬墓誌銘

李公諱希孔字淑諸其先諱盛者明初由棗強遷博興後子姓繁自爲一聚謂之成興李家莊六世諱德脩者始別居興福鎮世業耕讀又五世至武信公諱克溫以寬闊亮直見重於四方益大其家配馬安人生二子公居長幼讀書穎悟應童子試郡縣甚有名而院試輒不利年三十五始補邑諸生再應鄉試幾得復失武信公年又高遂謝場屋傳家政初武信公遇事恢廓材氣過人持家精核嚴明不拘故方而公以恂恂儒生承其後靜若無爲共見其執事謹與人厚孝友樂施慎守武信公家法而已後縣有挑河之役公董率數千人循支脈溝遠出海口功速而辦因爲永利人是以多公才丙午東省奇荒流離載道公與弟立通衢計口授食自正月至麥秋全活無算遠近以是頌公惠然知公者以是爲非世所難也公嫡室朱孺人于歸時十五歲久而無出庶室王孺人歸公時年十七連舉丈夫子五人而閨門雍睦終始無間朱於王恩禮之隆如賢姊之遇女弟王之事朱恪謹承志如古賢媛之事慈母慈姑相傳王每舉一子朱不覺喜如己出朱年逾七十患病疾憊甚婢媪滿前子婦更代侍奉王恐其手足粗重不能視聽於無形日夜親侍臥側或通宵不寐是時年亦六十

餘矣朱憐其衰婉言勸止卒不少懈蓋三十餘日病者瘥而侍者幾不能支則平日之各盡於己者均可知矣夫周南之詩以爲風始樛木螽斯皆閨閣常事小序謂美后夫人之德也朱子以爲不然正所以著明文王修身齊家之效耳刑于之化於是爲至矣人生有夫婦妻妾皆人倫之正萬福之原尊卑原非所爭嫡庶亦無可諱使各循分以盡其道則一門皆聖賢尊者光而卑者不可踰皆爲尊之至矣此端本之化福祉所由基邦族所由大也兩孺人既敬愛終身諸子諸婦又能曲體親心以善事兩母恒言瑣事傳之皆是爲世法是固由兩孺人天資之美而刑于之

白雲山房文集

卷五

二十

化感被於不言而躬行者亦非朝夕之故矣由是言之公之德初非一二事所能名而子姓之興其後正未可量也公生於雍正十一年十二月初七日子時卒於嘉慶十四年九月初四日午時享年七十七歲朱孺人與公同年生卒在嘉慶十七年五月二十三日亥時享年八十歲王孺人先公一年卒爲正月初十日寅時享年六十六歲公子官教諭封如其官兩孺人亦與公同時受封子五人者長鴻猷候選兵馬司副指揮次庭勳乾隆己酉拔貢利津縣教諭保舉候補知縣次廷梅由廩貢候補教諭歷署聊城金鄉兩邑學官次廷樞嘉慶辛酉拔貢候選直隸州

判次廷榷邑庠生孫男十人曾孫三人卜以嘉慶十八年三月二十一日合葬公及兩孺人於某原廷勳廷梅先期來請銘二子舊從余遊廷樞亦受學於余及門其兒女婿姻又多余嫺戚故知公及兩孺人行誼爲詳不敢畧也銘曰我初識公在古臨淄以文見許歛曲移時豈知功德不在文詞不言躬行政由家施閨閣肅睦樛木螽斯女士錫祚庭茁蘭芝天道不遠毫無參差三槐五桂行當報之如其不信質此銘詩

例授武信郎于公範九及配崔安人墓誌銘代

公諱錫疇字範九姓于氏先世由文登徙居臨淄十三世
爲臨淄人曾祖希芳諸生祖秉銓應選州佐未仕考宗舜
以康熙辛卯貢生爲新泰縣學官娶益都縣甲辰進士廣
西學政王公承露女孫國學生軾女是生三子長錫福雍
正丙午武舉次錫祿諸生次卽公公公有異稟才質過人
而性好讀書伯仲艱於儒業改習騎射公耳目久遂精其
技應童子試以是獲錄己酉遂以武榜第三人舉於鄉年
二十三也赴夏官試藝傾一時爲主司所賞因與一部胥
不諧被落未幾伯仲卒乃絕意公車居家人與職業事皆

白雲山房文集

卷五

三

有法暇則聚古書名帖以詩酒自娛工二王法時時爲比
苑畫而內外事無不舉著有愛資堂詩集藏於家自就外
傳及卒非甚病常早起以力自強蓋公明果剛毅持己甚
嚴而與人未嘗近名爲崖異人有負金不能償者久之持
田券來衆謂公必不受公忻然留之二年後復持券還之
其人愕然固辭徐譬之乃受其後人以問公益謂不受彼
將鬻田以償且破家二年所獲其數已足久則已爲長取
名欲取兩全其實二年所獲無幾第欲負債者受之有辭
而已公凡事居心厚而以君子處人如此配崔氏 例封
安人同邑諸生元英女與公同年生慈和恭慎歲時之祭

雖偶薦饌必親羞客雖微食必親視食用儉朴衣數浣不
數公卒後一以公之教教子孫初公側室有子安人視如
己出公既歿安人撫育勤至皆出於天性之誠然人以爲
難子五人長又興邑諸生娶劉氏次又發癸卯舉人娶隋
氏楊氏出嗣伯兄次又毅國學生娶江氏出嗣仲兄早卒
次又滋丁酉拔貢娶張氏俱安人出次又成娶劉氏側室
張氏出女二人安人出者適崔氏側室出者適張氏孫四
人應鶴又發出應麟又興出應璧又滋出俱諸生應璽又
興出以嗣又毅初又毅嗣仲去仲之歿二十餘年矣公自
爲文勒諸墓其遲之久也孝友之思具有深意應璽之嗣
又毅以嗣仲又安人所以成公之志也孫女八人曾孫四
人公生於康熙戊子八月二十一日卒於乾隆甲申正月
十七日年五十有八卒之明年塋於淄水東原祖塋之次
安人以戊子十一月初二日生後公二十五年卒爲乾隆
戊申七月十五日也將以明年三月十六日合塋於公之
墓又發爲予癸卯所取士使來乞銘銘曰族之大有由會
達人人生作之配德維行均內外銘諸幽俾勿壞表瀧岡猶
有待

于曉村墓誌銘

悲夫傷哉曉村非一世之士也其才其學卓然足爲世用而又不嘗無致用之心乃竟齋志以歿於今十有六年矣公歿時余與其弟又泣諸柩前蓋三日饌至不復能食踰年卜葬闕誌墓之文將以待余也余時客遠方不及爲今冬始追爲之然亦何能盡公也公諱又發字繼武曉村其別字姓于氏系山文登赤山遠祖遷臨淄又數世別居鄒城自爲一村高祖諱希滂縣學諸生曾祖秉銓候選州同知祖宗舜康熙辛卯恩貢生任新泰訓導父錫疇雍正己酉科武舉母崔氏安人以乾隆二年丁巳歲正月二十

白雲山房文集

卷五

志

五辰時生公於所居之西第同母兄弟四人公爲仲以伯父丙午科武舉錫福乏嗣遂以公爲伯父後公生有異稟才氣過人垂髫時卽端重有威羣兒方嬉戲遇之輒肅然改容俟其過嗣父愛之不待應童子試爲援例授國子生未幾諸父以次謝世公且讀且理家政年旣少事未嘗經手然詳問而以意爲之諸務井井內外僕媪咸悅服無不爲盡力而所讀課程視同學仍多數倍其讀書皆求實用以經史參驗古今居官政教風尚淑慝凡致之之由與其爲之之方皆有卓見定識取其議論皆可次第舉而行也而所爲舉業之文則但求不侷於場屋矩度然其精神

有不可揜者學使者錄科多居首選乾隆癸卯科以第十人舉於鄉進身有階矣而復紂於會場三科後以挑班當得縣令第以學官注冊非其志也部例學官不願赴職者別與京銜遂受國子監學正以歸未歸時子應鶴爲車轍暴亡三孫方幼歸值二孫復殤遂灰心仕進日坐東齋思有著述以發其志識未幾黔瘦得疾遂不起傷哉公身體祇如中人而精彩穎異眉目間英氣逼人志識高遠而內行醇備詩書外藝事一見輒精尤工畫竹其在時遠近已知寶重今有存者無不什襲藏之矣所居之北有園三十畝依安平舊址北垣築亭臺構書室爲與清軒乙巳丙午

白雲山房文集 卷五

五

間余與諸子讀書其地公晨起集諸僕佃僮各授以事卽入小室構書藝一兩首使送軒中以四方求書畫者多爲盡數幅乃出酬應賓客及他事日旣入旋來軒中商榷書藝議論古今及經史凡日所爲有定程不爽晷刻益三年如一平生見義必爲爲必期盡其力與心噫世豈易有斯人耶使其當言路必實有建白使其爲守令豈非漢唐史書中一頁有司哉所憾者其學旣不得一見諸用晚復遞際不幸不及有所爲於家而抱才以死也卒以嘉慶二年十月二十九日享年六十一歲元配隋氏繼配楊氏皆有賢行隋生一子應鶴邑庠生先卒楊氏生一女適益都李

熙文應鶴三子成立者二人式訓式南俱國子生孫五人
俱幼初公卒之明年三月卜葬於所居之東得新阡旣與
元配合葬今公繼配卒將啟公墓式訓式南乃先來乞銘
銘曰古之偉人其來有自其去有爲人如曉村其來何自
其去何歸鄴城東畔卜得吉壤爲公窀穸漢渡作銘當求
誰知勒諸貞石噫

白雲山房文集 卷五

三

孫太恭人墓誌銘

生人之初蓬蓬然不知何所持於世也聖教興後之能者
養之以福則必自好禮始矣然禮非刼刼以赴之謂惟情摯
而誼深循其恭慎肅肅焉行各適於理焉耳吾鄉物質而
俗淳閭訓尤謹故家皆有所守命婦多有聞焉其最著可
爲儀法者恭人其一恭人又歷諸艱苦卓然有立故其事
尤難尤可銘而誌也恭人姓武氏其先籍益都爲望族曾
祖三讓始居臨淄去家亦未百里也考安吉妣潘氏恭人
年十七歸其邑今封翁孫公世沛當是時舅贈昭武大夫
公姑贈太恭人朱皆在堂恭人婉順事如其父母旣舅沒
姑且老子舍婦惟恭人能委曲承志姑所欲無不具不欲
無一至前者教子尤嚴而有法男子子唯一人恭人絕愛
之自剪髻至任戴冠入閨門雖帶襪必有矩度然恭人實
終身無恚容雖婢監不加以惡語也子官蜀中假便省覲
勉戒皆立身大節僕至蜀者口占爲誠烺然皆可錄而傳
也恭人旣能得姑懽相倚三十餘年於卒也毀幾殆旣又
喪一女而子遠道來省復抑情遣之遂病病五年以乾隆
四十一年五月初七日卒于東墅新第年六十有一生子
男三人長兆勳丙子科武舉現任四川馬邊都司署普安
營參將次二未名殤女三皆適人長者生三子以卒孫二

人元錫元瑞曾孫一人衆戎例不得奔喪殯葬元錫親之
先是贈昭武公之歿也封翁有季曰世英今太學生尙幼
恭人佐內爲兩娶婦恩禮曲盡太學夫婦賢事兄姒謹凡
有二女一男恭人旣移居新第女適人矣一子遠宦恒忽
忽不樂太學一女與男恒留恭人所居平依依非久於其
家者不知爲姪男女也及女將婚恭人不令歸奩實非可
賈於市者皆親製以備太學竟成其志遠近兩賢之恭人
莊而惠少貧勤於操作大事拮据惟一身終日不遑食者
數矣然至老皆浣衣蔬食非甚病及有禮事未嘗一日去
紡績事以子貴三十六年 覃恩受今封封翁並封如子

白雲山房文集

卷五

三六

官封翁長子余引爲忘年交故余知其詳翁偉然有奇氣
遇事勇決廓達恢碩却而徐視之修潔纘密穆然而靜深
登其堂窺其庭圃皇序器物皆有定理婢僕跬躅咸有恒
度是豈無所處而然哉嗚呼非恭人之賢其胡克相之宜
沒而思不置旣久而言之悲也卜兆旣得吉使以狀來丐
銘將以是年十一月十六日葬于新居之南畫水之北原
水西流北旋又西南而入于澗兆南逾水一里爲畫城舊
址孟子去齊所信宿也銘曰芝菌也蒸木餘氣竹箭筠也
誰所厲有持而維之世以不墜幾優以入之或作而致於
虛光以錫之必其類信諸銘視來世

武翼大夫廣東惠來營遊擊四川普安營叅將孫公

墓誌銘

孫公諱兆勳字熙載青州臨淄人祖某贈如公官父世沛
加正三品 封武翼大夫母武太君 封太恭人贈太淑
人以乾隆元年十二月十二日生公於愚公山北時水之
陽上河村公生有異質厚重寡言而讀書微鈍從塾師爲
童子文第如常人成童時時好騎射先是鄉前輩故古
州總兵官王都督征西番有奇功臨陣時所服銅鎧鐵鞭
寓於近曠桐林村公學舍在焉時與少年數輩衣其袍鎧
執鞭試作戰陣狀以爲樂凡與者四人未幾其三人皆暴

白雲山房文集

卷五

五

死公獨無恙衆異之因是以武事起家年二十爲縣諸生
明年丙子科遂以魁選舉於鄉再試夏官不遇謁選得四
川重慶左營守備任二年制府察廉材檄署忠州營都司
理緬甸軍需再署夔州中營都司營庫舊以虧餉上官厯
懷公至不二年以節儉補完遂眞授馬邊營都司是歲公
三十有六引 見給假省親推 恩封贈二代其冬抵任
是時金川用兵而涼山深箐環八百里生裸窟其中爲川
蜀西南要地提督董公急幹員越次假署普安營叅將卽
理大軍軍需普安本荒徼自康熙間始開地多未闢公出
入默察其高下見城東偏可以引水溉田相度得萬餘頃

卽會雷波廳楊司馬申請得墾軍民賴以豐饒遂爲永利
西南舊有咽嚙賊凡四五十人於雲南敗官兵其中狡賊
匡貴等十一人窺普安安阜馬邊諸營兵多調赴軍前遂
渡金沙江入蜀界劫掠西寧鄉甚慘民倉猝驚避山中是
時駐營止有把總熊綱一人公急率所屬以計擒之不逸
一人不傷一兵事 聞紀功議敘乾隆四十一年丁母艱
以軍興例在任守制明年改攝敘馬營遊擊適有邪教獄
妄牽州人甚多制府專給秘札會府縣官入其家細勘之
實無據復微服私訪盡知其寃既報明更遣把總李述善
詳陳枉狀得昭雪全活無算四十四年以部推遷廣東惠
來營遊擊引 見養心殿再給假省親明年抵任民數百
訟陳姓宅侵城堞公平心詳核事乃已其年逢 覃恩以
現官實封二代任四年移廣西提標後營嶺南地旣卑濕
公素患疝氣至是疝發不能騎又以前官蜀道時母喪不
及見念父老需侍養遂移疾歸時年正五十矣旣歸太公
尙康強子元琛元瑞爲諸生元瓚能讀毛詩孫六人長者
曾堪亦諸生已有男二人五世同堂仰事俯育極一門之
樂遽以嘉慶三年八月初十日無疾而終公長身玉立方
面豐頤端重無急語而意象和粹與人交懇誠無飾在普
安時木參戎檄赴大軍不能辦裝公資助甚厚後晤於廣

東省垣木致謝竟不復記孝友尤天性以母夫人歿不在側終身傷懷語必黯然以卒之年十月二十五日葬於澧水北岸武太淑人之墓傍隔水南對畫城西南正面愚公山銘曰古稱乾時今滋泉水川黜壤黃山環奇偉前望王都督之阡左帶耿弇之壘公生於斯葬於斯太平儒將也坤靈呵護千秋其無毀

白雲山房文集 卷五

五

恩縣訓導和衷崔公墓誌銘

公諱協恭字和衷姓崔氏先世於洪永間由直隸棗強徙新城東北鄉之大王莊萬歷時有定字公者諱講以乙科爲河津令是爲公七世祖大父茂才公諱某值家中落去居官莊旋定居城東之楊家莊去祖居凡七里父諱某母榮大孺人以雍正十二年二月二十三日某時生公於新居生時母夢太白照室故小字曰庚幼有異稟而弱不勝衣父母絕愛憐之未嘗少加督責然常自力於學一日不讀書卽覺心目無所措十二歲爲文爲舅氏陞吉先生所激賞十七歲遂以文異常人撥入府學爲諸生自是科歲

白雲山房文集

卷五

三

兩試無一落者學使蔣公及某公尤所鑒賞皆拔置冠一郡然闈試輒不利公亦絕無愠容以父母在堂仍循例入闈親歿而後罷去晚年以歲貢爲學官皆非其志也公之學以洛閩爲宗以篤實爲本以聖賢爲必可爲而未嘗有矯厲之行以六經之言爲必可信而未嘗有高曠之論於義利公私辨之甚晰而未嘗稍形憤時嫉俗之意終身無疾言無遽色而亦無一語隨俗以阿世內行修謹門內雖雖肅肅父喪三年不飲酒不茹葷不居宿於內母沒亦如之禫後久之始復舊嘉慶初元 詔舉孝廉方正時轉運使孫公攝廉訪使篆稔公學行屬新城令必舉公胥吏已

具文冊公聞之力辭縣以上司意不可違婉轉往復期必
行公知不可回乃卽己身有服雖逾大祥尙未禫祭據禮
爲文切陳其不可乃止上憲聞之曰是真孝廉方正矣焉
得天下所舉咸若斯人也公於書無不讀而專志尤在經
學於詩賦歌行駢偶之文爲之輒工而初不以措意故人
所傳誦尤在經義也開門授徒數十年爲濟陰大師履其
席者如坐春風而飲醇醪才高者多獲雋以去而公乃以
老明經終老寒毡爲官六七年家鬻田數畝乃得遠供苜
蓄之盤豈不悲哉然公終不以是戚戚則以所重者有在
而志不在此也元配張孺人有賢行先公卒生子三人長

白雲山房文集

卷五

三

瑛歲貢生文行於公具體而微痛公卒於官舍不得見哀
毀後公五月卒次琇邑庠生出爲公叔父後次珽葬公者
珽與諸孫也孫凡六人瑛出者二楷桂琇出者一珽出者
三皆以儒業世其家公卒以嘉慶二十二年二月二十一
日某時享年八十四歲卜以是年十月初九日合葬於莊
東祖塋張孺人之墓屬某遠客犁邱先期珽使桂走二百
餘里來乞銘而不桀述狀謂公之事吾無不能知公之行
吾無不能言也嗚呼惟其然吾何忍銘公惟其然吾誰諉
何忍不爲公銘也乃抑情而爲之銘曰我初交公時在童
孩人爲異姓誼則同懷景行前哲共期追陪公養何粹與

世無猜同仁一視油油與偕千頃洪波不可崖涯我質不
化動與時乖人非同心幾遭詆排公屢戒我圭角易摧
英氣害事功在摩揩再拜受教盟心鏤骸八十年中持作
模楷公今舍我梁傾山頽今何所仰安問將來松楸滿目
白日皚皚醕在黃土聖凡同埋作此銘詩用寫我哀

白雲山房文集

卷五

五

白雲山房文集卷之六

濟南新城張象津漢渡甫著

雜著

新城建置考

新城經始歲月前志據元史本紀謂在世祖至元世齊公之辨據漁洋山人儒學記謂在世祖中統世今按元史世

祖紀十九年八月辛亥併淄萊路田索二鎮仍於驛臺立

新城縣治而地理志則於般陽府路稱元初太宗在潛置

新城縣般陽本淄州原隸濟南路總管府中統中始升淄州為路別置總管府至元二年又改淄州路為淄

萊路及二十四年乃取漢縣為名改為般陽路故紀於般十九年稱淄萊路作史時取後之定名故稱般陽路也

白雲山房文集 卷六

陽路領一司四縣其四縣曰淄川曰長山曰新城曰蒲臺

新城縣下注本長山縣驛臺太宗在潛以人民完聚勦置

城曰新城以田索二鎮屬焉若是則新城初建在太祖世

不在世祖世明矣蓋建縣時事屬草創二鎮初不統於縣

至世祖十九年乃併之則建縣自在先併鎮自在後紀中稱併

稱仍則前已立縣可知但其文簡故前志悞會地志分注言太宗置城不言後以田索二鎮屬焉者則總括前後省

也觀至元二年教授丁珏初建儒學記稱天元開國豪傑

蛸典本土張元帥收集流民保據此地遂革臺為城故曰

新城逮今四十餘年皇上改至元之二禩省并州縣遷轉

官吏其子張晉遂受除遷於他所丁是當時人作記刻石

足証至元二年之前已建縣四十餘年矣但未知確在何

年元太祖在位二十二年皆為太宗在潛之年今按元史及金史元太祖以金

章宗泰和六年實宋寧宗開禧二年歲在丙寅卽位於幹

難河稱元年三年戊辰金章宗崩衛紹王立始顯叛金六年侵金得

其關外北境八年癸酉衛紹王弒宣宗立分三道伐金南及懷孟

東迄登沂而濟南淄萊長山高苑等郡縣皆陷雖多破陷其實略也

掠而不守明年甲戌五月宣宗避敵遷汴河北大亂濟青淄萊

間金朝命不行是時元兵雖去而楊安兒及紅襖花帽等賊蓋起京師道路不通民既無主本土豪

傑築堡結寨以自固故張元帥保聚於驛臺後乃授縣職以元帥管縣事又三年及丁丑為太

祖卽位之十二年乃撫定中原因張元帥保聚驛臺授以

白雲山房文集 卷六

二

縣職此建縣之始也金史本紀宣宗興定元年丁丑十月辛未元收鄒平長山淄川不言新城

新城元收諸縣乃置或又在是年之後。立縣在太祖世地理志不稱太祖而言太宗在潛所置者太祖自三路伐

金後多經營西域其關南處置則皇子及大臣木華黎為之也今據至元初建儒學記由

世祖至元二年乙丑上遡太祖元年丙寅為六十年遡其

沒年丁亥為三十八年而遡其收鄒平長山淄川則為四

十八年記稱四十餘年則建縣當在丁丑以後數年之間

耳中隔太宗定宗憲宗及皇子拖雷監國乃馬眞后稱制

後至世祖十九年已六十餘年至中統時亦四十餘年矣

古澗水考 附古澗水考

邢臺西山野河古澗水也說文澗水出趙襄國西山今以地勢考之太行山脊自北而南脊以東之水在邢臺者皆注此水源最多其正源發於縣西北一百五十里馬嶺關東白虎嶠之明水泉泉在山腰石峽中東西南皆峭壁直立惟北面通人泉出西壁下徑四五尺距地六尺餘出峽曲折東南流傍一村而東逕四里營馬峰山曹家臺折而東南過崇水峪至宋家莊凡三十餘里通名龍門川川北又納內邱縣西山一水水源有二一自婆婆菴東由白草坪漫天嶺而南一自婆婆菴西會西來馬嶺諸水與東源

白雲山房文集

卷六

三

合流入邢臺界南行十二里至宋家莊西合龍門川水通爲野河野河又東二里有土門以北之水西流十里自東來入之野河復折而南過東陽寨十里至豹腦之西稻畦川水自西入之稻畦川水源有二一發於山西樂平縣雲蒙山之水連洞東流三里入邢臺界遶翠陽山而南爲角峪溝一發於邢臺西界黃榆嶺西北之瀑布泉東注過龍池口又東北會角峪溝水南流至薛村山又東至豹腦入於野河野河又稍南有黑龍關以西之水西流十里東來入之合流二十里東南過板橋村南一里漿水川水自西入之漿水川其源有二一發於峽門內之十道溝東南出

水門山一發於支鍋石山半之上龍宮下注爲下龍宮又下注爲老龍潭溢而東北至天鼓腦東與十道溝水合流過邢侯行臺之南左納溫泉之水過白雲山陰又東會三葉泉之水行五十里過夾耳山又十里入於野河野河又東南十里至老泉會南路羅川水自西入之其源南北有五北源始於寒風腦南之灰峽口東流至桃花山一源始於夫子岩東之鴉峪過龍門山合前水東流十里至桑脫賸寨又一源發於莊兒角東之紫金山陰又一源發於大綠山陰南源發於貨郎神口之東東北至大嶺之西合二源東北流八里至桑脫賸寨北五源合流而東共過白雲山陽五十里入於野河野河又東南五里逕榜棹紅山西北有漆林道溝之水自西入之又東南八里至霹靂山西南有龍泉河青石溝二水相會自北入之又十里過霹靂山東南有馬峪溝流十里北來入之又東南入沙河縣界合自沙河縣西山之洪河同爲沙河下入大陸澤邢臺惟是水千巖萬壑羣赴爭流舊稱野河分合七十二道可証是此水而非沙底河又可証說文出於襄國西山者之爲渴水也

邢臺白馬河古漆水也源出縣西北九十里喬寨山東行八里有內邱縣烟南山之水至邢臺界流十里自北來入

之又東南五里有土門以南之水自西來入之又東行二十五里至凌霄山陽有寺溝之水自北入之其源有二一出內邱縣之中岩寨一出內邱縣敦與山之西南入邢臺界二里相會又五里注白馬河白馬河又東五里右納板倒井泉之水又東三里有于家溝之水自南入之又東三里
里有米花山之水自北入之又東六里有百工村之水流十五里自南入之又東二十里至青山之西北有豐來峪之水自西北入之其源發於內邱縣敦與山東南至邢臺界流二十餘里注白馬河稍東又有石象河東北流二十餘里自南入之又東三里水伏不見相傳至任縣西北聖水河復出今不可考白馬河又東七里迤南過楊村又十二里至東沙窩村前有金玉河水自西入之其源南北有二南源出馬鞍山陰之金泉泉止而不流下有一礮東行九里至時村北源出龍山西北陬之玉泉東流至龍山之東有雷公山陽之水自北入之水至此頓伏相傳至野狐泉再見又東七里至時村與金泉礮合又六里至如意橋東又有譚村一溝東南行十餘里自北與金玉河合又東四里迤南九里至西沙窩村東入於白馬河合流過驛路東下皆散漫又東歸任縣大陸澤

周世宗誕生之地辨

五代史本紀周太祖邢州堯山人世宗邢州龍岡人堯山今之唐山縣龍岡今之邢臺縣也而唐山志古蹟有郭園在城東北二里爲周太祖誕興之地城北五里又有柴家莊爲世宗誕生之地如此則太祖世宗俱唐山人矣再閱府志人物傳柴守禮南和人與周太祖同里妹歸太祖爲后后無子以守禮子爲子是爲世宗據此世宗又爲南和人卽太祖亦不得爲堯山人矣歐史作於仁宗世薛史則太祖開寶中以宰相奉詔官修而薛居正又親及世宗之世者也國史明文千秋傳信而修志者傳會牴牾如此豈其不遑一檢正史耶今據新舊五代史柴守禮及世宗俱爲邢臺人以補舊志之闕又薛史周后妃傳太祖聖穆皇后柴氏邢州龍岡人世家豪右觀此則通志稱邢州後梁爲保義軍唐爲安國軍是五代雖以龍岡爲軍治而縣未嘗改廢亦其一證也

方言土字辨

方言土字多不可究所從來於義遂不識所取然亦有可推者陰陽沉浮各因其水土之性卽清濁迥別如歷城人入音皆爲平章邱去皆爲入萊人去皆爲平膠西人讀人字舌音爲牙音益都人讀二字舌音爲喉音此其凡也亦有因言之輕重而互譌者如館拐廩里實兩音鄉俗輕言之則一字因其輕言既久而復交還其本音或名物互舛有以館爲拐以里爲廩者矣亦有數字合音爲一字者齊魯言無爲沒沒正讀如模則莫無二字之合音也瀛鄭人言無如旄則莫有了三字之合音也因思六經中亦有此

題劉寄菴明府入關圖

甲寅五月二日寄菴明府來別於所居之東齋初三日起
省垣遂有出關之事自是愚不爲文不作詩不以簡札通
於戚友於今暮年餘三月矣非不欲爲蓋不能爲也今喜
遂已入關盧坡爲繪圖知者皆喜爲詩歌歌其事愚未嘗
有作非不欲作仍不能作也於是寄菴屢以爲言謂是固
然然寄菴入關而漢渡終無言可乎今明府將歸滇南象
津來同宿於何氏別墅情懷益復黯然夫榮落升沈事有
常理而明府之事所係有大焉者津至不能爲詩文豈區
區於其所愛敬私誼相關之故哉明府臨行復以見索敬
綴數語以見意蓋仍不能爲也乾隆乙卯六月二十九日

集錄齊譜小引

幼喜讀易易奇而法也喜讀孫子孫子奇而不必法而無
不法也雲行空中因風之勢水流地上肖地之形此有何
法但見其奇耳此有何奇但見其法耳奔不必盡孫子之
法而孫子固有奔之法孫子不必盡易之奇而易固有孫
子之奇其理一焉耳雖然小道可觀致遠或泥讀易者見
易於孫子矣知孫子者未必見易也讀孫子者見孫子於
奔矣知奔者未必見孫子也然則是書也知易者觀之不
知者勿觀也知孫子者觀之不知者勿觀也懼其玩物喪
志也甲辰四月初六日

崔樓重修鎮武廟碧霞元君祠募緣引

新城城東六里崔樓鎮爲縣名區其來甚古蓋在立縣之先也其南隔水爲洪福寺唐時奉勅建其北南向者爲鎮武廟東向者爲碧霞元君祠皆莫詳所自始洪武間碑記已爲重修矣舊有古刹會乃不在寺中而在廟祠之前每歲三月十月望日必演劇商賈雲集而書籍爲尤盛相傳前明及國初凡會期近自青社聊攝遠及姑蘇秣陵書賈無不畢至張幕列肆交易常至四五千金古書祕本他處所無者恒於鎮會得之今無其盛矣然每逢會期闔邑大小書塾無不散學買書者則猶踵舊時遺風也鎮無旅店赴會者休息啜茗往往在廟祠中是以數百年來廟屢圯屢修四方皆樂爲欣助數年前父老因有殘毀倡募修葺而工未及訖桑梓古蹟有其存之莫敢廢也今以年頽順成鄉人思續前工而獨力難成不能無仰藉於四方惟願善男信女布施隨心爲神者旣資無量之福爲人者亦爲有名之功祈各書捐數以共成盛舉

重修鄭潢溝卧龍橋募緣引

新城城東北近二里跨鄭潢溝有橋舊曰土橋莫能記所
自始後雖易之以石而名如故乾隆二十四年石復傾圮
人艱於涉橋東劉村善士劉姓名必盛偕同志捐貲募修
復完始易今名今二十有九年矣水激石裂輿徒皆病去
冬有婦人抱兒跨驢過之躓迫石罅陷焉母子幾殆夏秋
泥淖行者尤爲大艱劉氏後人期紹前志而力不能勝乃
廣邀一時同志求助於四方夫事有今昔異勢則所以爲
之亦異而資於共成之人者益不同矣是橋也以所記憶
特東北諸村入城之一途耳商旅西北東南率由其北之

白雲山房文集

卷六

十一

傳家橋過焉無借於此三十年來籠水南徙陳姬傳諸橋
下濕沮濡左右滙爲巨湖西北諸縣由索鎮衛固達青社
者必道此橋重車之所壓輪蹶之輾晨夕不絕橋所以速
壞而修而復之不可以不堅且速也夫仗義踈財本君子
之明訓而修橋補路亦長者之成言險阻在前賓旅共苦
道途不治居里同羞如前歲婦人之事使介乎其側不必
待其親故始思拯而仁之也所望大人名公善男信女推
廣聖經之義並植佛果之因行此橋者旣爲有緣之方便
卽不經此橋者亦爲無量之陰功所有捐施名銜各祈自

署於左

重修澧中石橋募緣引

夫蓑笠釣雪唯棹扁舟略約樵風時躡飛鞚江面之月千里希見虹垂湖心之堤百尋徑藉葑築乃如通車馬之利則必待闢梁之修地曰澧中水出齊右遠北流以通海近西折而入澗舊跨石梁今汨泥淖不淹子輿之車後猶名爲宿留曾度耿弇之軍前實賴以共濟屬當孔道是爲通衢西安雲濤下引玉帶於輻輳申池竹樹遙分金嶺之駢不有通橋何利行旅則有廣川上客濟郡名家馬適逸而帖車神默相以登岸心發宏願首議捐貲夫逢萍水者猶將推己以及人而處桑梓者得不審物以觀我第重修

白雲山房文集

卷六

七

有志而獨力未能惟願大人先生長官信士廓揮金之洪度結種玉之福緣各竭檀施共成盛舉但使泛舟指囿均懷國士之風豈必鞭石雨金定資菩薩之力異日者桃花春漲不至漸帷裳以摧翰荻葉涼颼無復砭肌骨而挽脛徒與輿之無阻枉與梁而偕成縱拍岸濤驚挾土木偶以俱下而秋潦泥滑何雨霖鈴之可悲此皆誼分隨緣抑且功德無量募須長材恭疏短引

長山縣李家套新集莊重修南北橋道募疏

長山縣西北境小清河西有兩村南曰李家套北曰新集
中間地勢最下西南四十里爲鄒平縣之許山灤正小清
上游所匯每當淫澇之年夏秋水暴發灤不能容則漫
溢平出漲爲巨浸由兩村間下趨白雲湖入青沙泊以達
海而兩村南北相直爲商旅孔道近自周村鎮遠及天津
輪蹕絡繹罔不由此舊築土爲甬道高二三尺寬丈餘長
亘兩村其中間復爲土橋五以疏水於是吠澮行人兩利
而莫詳所自始前邑侯官公曾一修之猶時時遣役勸修
後居民呈請自願修補故官不復勸今歷日既久橋道已
多殘缺圯壞幸雨暘時若路鮮泥淖之阻而橋則坍塌不
可以車並不可以騎遠近往來皆苦之兩村父老慨然念
賢邑侯之德政利及久遠而鄉先輩情願自修之美意亦
不可以弗繼也合同鄉士庶議今冬各捐貲釀金期以來
春通行修築惟以工費浩大窮鄉不能獨成故詳疏橋道
之顛末及利害所關並求助於四方君子蓋義所當爲近
者竭力而功有待舉遠亦輪心切望自署名銜結善緣於
一日行且勒諸貞石留芳蹟於千秋而修寺建塔福田利
益之說非所論也謹疏

纂修邢臺縣志例言

邢臺志凡三修創始於萬厯己丑朱公誥志稱其親厯山川備參羣史用心可謂極勤然其書不可得見矣續修於康熙壬子高公顯然非其手纂屬之鄉官李京以邑人韓邑事宜無弗詳然人物殊爲闕略蓋當兵燹之後文獻旣散佚無徵而又拘於成例職官選舉二表概限於格卽同時人亦祇注以數字令觀者茫然不詳爲何時何地此其蔽也然其不敢輕易前人一字不肯濫入時人一事續補八十二年之闕不失矢公矢慎之心則猶作者之林也三修於乾隆辛酉劉公蒸雲其書則有不易言者劉循良吏也至今遺愛在人不知何以開局於外而不復措意如是今不得不合前志別立體例詳爲修纂諸書具在識者必能辨之

白雲山房文集

卷六

志

前明志乘舊推闡中而武功朝邑爲最然州縣志爲府志所本府志爲通志所本通志爲一統志所本而四志者又正史所待以采錄參詳也其職略職詳各有體例州縣志先略則府志通志當何如一統志與正史又當何如也故朝邑武功諸志爲一人一時之劄記筆墨則佳謂志乘之體宜如是則非也班馬書爲正史所宗使其傳志采諸若二志者寧復成史其序事有多至數千言者何礙班馬史

筆哉舊志於諸人有本傳者亦祇刪存數語蓋亦爲此論所誤今則一切從詳必無可旁采而後姑從其舊

州縣有志不惟備一方文獻典故正以官斯土者有所稽以行其政教生斯土者有所監以善其風俗故體例貴清核詳明而次第門類閎者一覽具得乃善舊志不惟漏略更爲繁複今折衷諸志官師從靈壽例名宦傳歸之職官而仕宦門合諸選舉其災祥事紀二者併爲一則以意起之后妃傳不用靈壽從廣平者府志已用之以志前非有帝紀亦史法之變例也人物酌用通志若府志出列女藝術流寓仙釋於人物外則爲無例矣增金石於志後兼用永清安陽例至字有大小書用雙行則仍用靈壽體例爲多

白雲山房文集

卷六

十一

典禮政教爲海內所大共者一邑可不必詳然邢臺文獻殘闕甚矣先賢先儒爲後進所法守者正宗旁流邑士或不能詳其姓氏况其學術醇疵當別白以定私淑者乎今學校儒先仍爲詳載並紀明其從祀時代其他禮教有關治化者亦如之至本土先進已載正史原人所共見入志似爲繁複然此方書籍甚寡歷代史不能家置而人人見之昔人嘉言懿行桑梓先進其感發爲易動故並檢原傳

錄入

舊志詩文各附一事之下志多此體其原亦出武功例然
彼志簡故不甚礙餘則翻多隔閡今從通志府志例總爲
一門彙諸志後惟堰牖諸記則仍總附於水利之末以便
稽覈

舊志所闕有可考者今旣概爲輯補顧實有無從蒐訪者
不必明以前也觀職官志順治十八年唯教諭二人訓導
二人康熙六十一年唯教諭六人訓導五人則官師選舉
皆有逸闕可知也然稽之府史文卷詢之父老傳聞俱不
能知是則無如何也今於壬子辛酉二志所載凡有關邑
中事蹟者俱爲載入一字不復遺其灼然悠謬荒唐者汰
去止數則如沈存中筆談謂郭進築邢州城厚六丈上可
臥牛俗呼爲臥牛城謂是城城頂寬廣可以臥牛有餘地
耳豈謂城是牛形也而世俗訛謬謂西南有拴牛石東北
有牛尾河浸假又有牛耳石牛頭橋甚至名長街爲腸街
蓋因鄉曲地師之鄙談而附會推衍之若然則元明未造
破城屠城者又名天遣之庖丁乎由來修志者一一筆之
於書豈非筴柄今一切刪去他如夫子巖令公腦之類止
附辯於下餘則一字不復遺也

重修族譜凡例

舊譜體例精嚴簡而有法蓋折衷諸家而取其所長凡名皆大書以子承父以孫承子兄弟則平列以次而左五世既訖則別起如前名下註皆駢行細書先字號次官階次配氏次子息幾人而止其行誼事功著作應詳紀者則別爲傳附於後凡此皆一遵舊譜但舊譜體極嚴而前闕例言今稍爲發明俾後之續修者勿任己意或闕入時世俗法卽今稍有不同舊譜者亦皆明著其故庶後人知所循焉

一字號○古者旣冠而字所以重成人後世冠禮廢其字

之加無定人亦無定時亦有不能自立者或終身無字舊譜於名下首必書字無者亦必於字下空其兩格蓋於前世尊輩明其有之而或不傳於後生現存者姑字而闕之以待補則所以重成人者至矣所以責成人者亦至矣今譜將以入梓不可空白其無字者旣無從補而舊譜所畧之字亦不敢去則於字下以某字代之至舊譜所未及名而今日灼知其無字者則亦並從省文以著其實使後人知貴自立亦前譜責重成人之變例也別號非古也初不關人之輕重舊譜皆不載今有則書無則闕之 古者冠禮先肅賓三加而後賓命以字今雖其禮久廢然必十五

以上名下始注其字今或十五以下及在襁抱而無不字之者世俗之不學也

一選舉官階。科目官秩例皆詳著卽文武生員其爲國學爲郡邑爲廩增附亦皆詳注至恭遇 覃恩有耆壽之賜秩亦必實膺官舉者始書世俗不學於碑碣履履往往僞冒以爲榮不知行誼雖無憑子孫或掄揚前人有溢美先賢猶斥爲誣罔爲不敬况國家名器寧容誣冒凡此皆一一詳慎從其實

一配氏。匹配爲人倫之重以承先啟後舊譜皆慎重詳書不能知者亦必書配氏二字而空其中今於所空而無

從補者亦以某字代之於舊譜未名而終身不娶者則亦如前字例並省配氏二字以從其實 其有繼娶者與古諸侯繼室於元妃有小君之分者不同有先後而無尊卑配主入廟皆同等先賢已有定論 國家亦有明文凡此一從舊譜不用繼室等字 其有有子不幸夫在被出及夫沒改適者禮有出母嫁母之文况生子時固在夫室天下無無母之子不得已仍於夫下書其姓氏其無子而去者則不書 妾有子者夫與有服於嫡室子爲庶母其生子有爵者亦得與嫡母同封歷觀前史及先賢文集皆因子以著明其所由生今世家大族或不以入譜甚無說舊

譜原闕此條蓋先世配皆正嫡九世始有側室十一世側室始有男子子今一一載入而以側室別之無子者則不載也據禮妾之有子無論男子子女子子或生而不成立皆爲有子也

一子嗣。舊譜於配氏不一人者但總曰某氏某氏於下亦統曰生子幾人而不明注某子爲某氏出蓋當時世遠者既不可詳近者亦人所能知故不詳注謹按春秋有同母異母之文而前史及前賢文集亦無不明紀所出今於所能知及尚可考者皆一一詳之 舊譜於世次既大書其名而於父之名下仍一一備注子名蓋恐譜表橫畫易

缺訛故慎重之不厭詳今一皆從舊惟生子幾人則各繫於母下其方生未艾者則止書子名而不著其數不用現子幾之俗例 出嗣者於本生父下名皆大書與兄弟平列但於其名下註出嗣二字而配氏子孫則詳記於嗣父之下其有有子而復有過繼及過繼後復生子者則仍以其年之長幼爲序 其出繼異姓者彼族或無譜有譜者多擯而不載則仍於譜中詳其世系此舊譜所未及不得已爲此變例蓋一以冀其或復歸宗一以爲姓屬兩姓久遠或有婚姻之誤也 其撫養異姓子者則義子也吾族自八世以下始有之舊譜於同族者注曰嗣子異姓者但

曰繼子蓋爾時有此者近在兄弟不忍顯佛其心所以存厚然於繼子之子則不書所以存亂宗之戒者深矣今則義嗣子孫已多人不可不紀仍照舊譜於繼父名下大書其名其詳則按世次先後別爲譜以附於後仍著明爲誰之義子並注明其本姓蓋天之生物使之一本是所以嚴本族宗法亦以使其後世或有興者不昧其所由來也

舊譜於無後者注曰無子亦有大書其名而不注無子者蓋爲初譜時凡有子者無論長幼名皆大書其後成立婚娶而無嗣者則注無子亦有譜旣列名其後未及成立而未不能詳其殤時之長幼則亦但存其名不注爲無子謹按殤子一例禮有明文有有服之殤有無服之殤無服之殤例不入譜前譜之但存其名者不可考矣今則無服者皆不入其殤在十五以上者仍大書其名注曰未娶卒

一志傳○舊譜諸傳由一世至七世而止今於有傳者按世次一一續入於題下仍注明文之所出蓋傳志所以紀實而傳信其原有前賢撰序成文及見於他書紀載者旣當一一載入其行誼事迹實有可紀而舊無傳者果不拂公議或酌量增補亦必慎之又慎蓋後人於前人善固不可沒而無事可傳強爲增溢以滋物議前賢斥爲誣罔不敬譜以尊尊親親尤當敬慎也

一附記。祠宇瑩域方向廣輪與祭田所原起俱應詳明。卽公家溝塗亦爲詳其長短廣狹庶後無侵占之弊。其書籍手蹟及前世逸事并蒐輯統附於後。

一新增。族中取一字爲行輩本非古法今世俗多用之似於世數爲清楚然大宗之法廢族繁而居非一地有一族同名而不相知者旣各著於地券文冊及官戶之籍至修譜時欲以此避彼則其人已故而不可改欲不改則兄弟同名並列又非義理今不用此法各支命名其各取一字或單或雙俱從其便。

鄉里差役條約

八條

一鄉約莊頭地方三項里差理應戶下輪流承當亦須家道稍裕方不悞公除紳衿耆老遵例優免外凡名下派銀至一兩上者一併寫闔每於元旦公同捻取一人充當差役周而復始○一莊頭地方兩差每年止一人兼管如鄉約輪至本莊亦卽莊頭地方兼管不得呈報多人以致煩費○一每戶派銀原一兩以上其地漸減不足銀一兩者去其闔原派銀不足一兩地漸增至銀一兩者增其闔如有銀已至一兩故延遲不過割及分撥多名以圖避役者議罰仍入闔充役○一戶係紳衿其紳衿已沒子孫應當

白雲山房文集

卷六

三

差者入闔充役亦須待十年之後以勸讀書戶非紳衿兄弟急於分析其派銀各足一兩者雖同居時已曾充役今仍按各名分派人闔以懲不睦○一每年捻取一人當差固爲定規如其人果係家累或才短並有他故恐其悞公傷已必不可充役者卽日公同商酌一人代充至明年卽去其闔以訖此輪之終○一里差戶下舊有分貼公食鄉約莊頭公食按錢糧莊頭每銀一兩紳衿貼大錢五十文民戶貼百文鄉約輪在本莊各戶銀一兩貼二十文不在本莊貼幾文地方公食按烟戶每戶貼幾文戶銀至一兩以上貼幾文至三兩以上貼五十文今差漸累公議加貼

辦公錢每銀一兩紳衿再貼三十五文民戶五十文共計
三項公食定數每銀一兩紳衿貼大錢百文民戶貼大錢
百七十五文公私庶不有悞○一每歲錢糧定例奏銷雖
在明年四月戶下須矢急公之義官限分數各如期輪納
本年必期全完里差有貫銀代輸者卽時還復有因循者
鄉族共督勸之每收公食亦然庶幾上不虧國課下不
累里差○一約地雖里差亦是公人凡莊中有娼竊賭不
法等事卽時驅逐如橫逆之徒恃強不伏卽宜登時稟報
憑官法究治如里差循隱縱容闔莊公同稟官究治外仍
於公食中革其加貼辦公一項

同人主客饌具約

貧賤之家節儉爲本分富貴之家節儉亦爲美德數十年來風俗漸卽華奢所衣皮幣或求之異域所羅珍饈亦往往不出中土此風盛於豪宦富室非士儒所能挽矣吾鄉士瘠民貧士人之產尤稱單薄而往來過從講習期會之事爲人所必不能無然主人供具往往過費客子體此不欲勤勞主人不移時旋亦罷去情誼之洽及相聚揚推之事往往不能終則皆俗情之客氣爲之也俗情之有客氣則以主人恐客謂己爲簡而客又恐己之不以爲簡者不能信之主人故也夫杜子美詩人也嘗官拾遺矣其供客也稱市遠無兼味子朱子大賢也嘗官侍從矣山中恒以脫粟飯待客以吾徒德業地望視前賢何如乃爲客爲主人則欲過之揆之理與心不有未安者歟繼自今敬與相知者約尋常客至卽出素所嘗食者共食之有餽藪不得過兩器亦祇本地園圃所有若佳節燕會亦止以四器或五簋爲度夫冠婚大禮器用十二者是古之三獻禮也四器亦爲一獻矣趙文子晉國執政之卿適鄭而欲一獻子產從之今以無位之士燕享鄉區親朋不已過之無不及乎約至願各書姓名並各錄一通粘於客舍其不入約者饌具卽仍以素所待常客者待之可也

壬子年書周作霖文後

舊題文要新熟題文欲生是固然矣然有二種凡題于機脈筋節有間可尋者得其竅窾乃得說法否則平漫拙力陳熟物耳至於題正大平實無前間可乘意局筆皆難見長只好樸實說理求新穎出色者親切有味言之有物耳卽此是名警卽此是精到亦卽此是生新否則極意求合求異終是公家意公家言尤爲陳熟物也由前之說只平日講求文家義法精熟卽能之是善爲說辭之類也由後之說則非平日於聖賢經書義理實有體會於身心而求其自得果見得着實親切者未易言也是善言德行之類

白雲山房文集

卷六

七

也主司出彼題求彼文則用彼力者得矣苟出此題要此文則何以自力見長而求其能得哉時文雖小道雖干祿之學然能攜全具以應之者誰謂不自真讀書來也天下不關痛癢人說不關痛癢事終是不關痛癢之言如此節義理子路曰願車馬一節是學者第一事是地獄天堂交界第一關是身世之間平明開眼至脫履就枕省察克治以學爲人者第一功課是以大勇力行如仲夫子仍把作第一件事也今之君子透得此關者固寡矣求其能仰面而叩之者不易得其人也則宜其胸中無物而言之無味耳前三人行先事後得少之時諸節題通不得佳文亦總坐此今此

題通閱二十餘作通乏慊意者因看兩蒼文亦不出色感
而爲此言此是論文非講學然願諸君子見此各爽然憬
然而知所用心與致力也四月十三日書於石峽山房

白雲山房文集

卷六

美

述舊示王氏甥孫

余初至臨淄爲乾隆癸巳年從學者爲王世珍王本謙王培基宋士迨邊子鑾路亦臨路亦保初謁見伸栴先生修武先生諸先輩亦續與王海門王春圃王澄源諸人定交海門之兄金門禹門年皆長時時相見相愛慕然未嘗共文字也王冠英年長王霽雲輩長然皆投交從課不列弟子亦不以爾汝相交也外則南磨坊于翠章昆季單家莊李用中李用和舊有世誼相與又在諸人之後

修武先生初名瑛後避族人先諱易名瑛以先世武事起家習弓馬爲武學生然於書無不讀聞見極博善鍾王書

白雲山房文集

卷六

七

法又多識時事余雖年輩皆後然一見卽相愛引爲忘年余亦時時相從諮訪時事嘗言總戎公爲潼關副將未久升任總兵官在嘉峪關外眷屬皆遣歸里第書來特招修武與一僕赴任及出關赴酒泉度沙磧風景與中土迥若隔世又言雪蛆雪蓮冰雀之類與今西域聞見錄所載不殊至灰限雪海水山雖未身歷大略與聞見錄相符是時類魯特尚未滅新疆未屬中華而言之確鑿不爽卽素日之留心博洽可知也又甚傾仰儒先理學知余有薛文清讀書錄索取甚切余因以送之今不知尚存其家否也有手疾不輕爲人作書嘗許爲余作橫卷又言此非空寫若

修武滅度後能爲我作小傳明日卽以相奉余亦許之然此事終爲兩逋矣

仲梅先生諱檀號杞園庚辰科與謝公魁多齊公薨業同舉於鄉皆臨淄一時知名士也初娶於謝爲余曾祖姑之女故以尊輩相事而年又最長然其相待與他後進不同所居與余書室相去甚遠至時未及進謁乃先來相見其後嫌大街人繁常由小街礮側紆道相就談或竟日不去有四方應酬文字亦時時屬爲代作初觀察公官渭南大荔蓋屋時先生皆在其任所問關中山水及古蹟之可攷者與圖經紀志皆合問慈恩寺雁塔曾到否言在西安城

白雲山房文集

卷六

五

東南其東南門爲駐防將軍所居今名將軍門軍士閉門最早曾一詣之然恐門閉匆遽歸不及覽其詳然大段荒涼初非昔比也又問西安秦漢唐之故都必與他處不同曰其形勢故在也然索然無氣與今燕京迥不同故知地以氣盛爲主也晚年家居於縣中族中舊事多能言其詳爲後學職志然終身好詼諧俗諺經訓遇事一言點撥令人絕倒故俗士不敢輕進邑人族人嘗言先生不以言相輕者只有兩人謂霽巖叔及余也霽巖叔以相與之厚年德之尊余則以始終執禮之恭也

蕭菴先生諱森仲梅先生之從弟也余見時已鬚鬢皤然

爲人端嚴莊恭無疾言遽色行無急步接後進謙而有禮
與人言終日無一褻語其階除花木皆整齊有次序不稱
好事而爲鄉族所矜式者數十年

端木先生仲梅先生之從弟霽雲胞兄也諱楷霽雲初名
樸榜從今名兄弟友愛同讀書以親卒端木以長早當室
故謝去舉子業晚年諸兄謝世族中事多取正於其門持
守公正人不可干以私余來後聞其數事皆可傳余外孫
之長者或猶及見之若蕭菴先生之風範則後生多不及
聞見矣大抵各族各鄉風俗相習多不及古卽孫婁王氏
名族應無不然要之老成典型足以維風化而厚里俗後
生卽不幸不及親炙其人而常與人稱述其事亦足動人
高曾之慕而興起其向往之心不爲無補也

王海門名朝偉於諸人中年差長與人交往往脫略形迹
蓋性質爽直言亦多不思而發余嘗以是相戒笑曰君言
及此可謂相愛之深然言至臆間吐之則傷人茹之則鬱
已當此時與其逆而茹之不如順而吐之之爲快吐後亦
未嘗不悔也此後當以君言書座右矣然亦終不能改也
議論古今事跡往往有獨解余嘗勸之著史論續胡致堂
先生之後君初遜謝後頗有意不知其能成否也余歸不
及常見見亦未及問之

王春圃名時發才氣秀拔接人謙和不爲岸異然胷中涇渭井井繩尺不踰分寸初見時恒終日不忍分手然終日言無一語有出入後有事於四庫書館遂不及常聚然有時歸家則必來聚談竟夕後以己亥舉北榜官上江合肥縣以卒子朱子著書七十餘種不見者十二種春圃在四庫館時曾托爲物色館中亦無之時館上諸生多學鍾紹京靈飛經家中一本是其送也

王澄源字心清春圃之再從姪叔姪年相若又自幼同學同師然春圃高華澄源顓篤各有所至也己亥恩科春圃試北闈澄源試東闈與余同號舍澄源大喜期爲必售相約稿必三易及榜發二人南北皆獲雋而余被落邑宰張羅峰師專役查落卷至則房考未曾看也

爲人書扇四則附錄三則

張伯英必爲楷則曰匆匆不暇草書然書之草正以匆匆豈謂匆匆反不暇也逸少題筆陣圖謂上下方正前後齊平此不爲書然書之用期於上下方正前後齊平而止也二公以能書名後世至推爲書聖顧言乃如此則其所謂能者固在書爲用之外矣書本六藝然不衷諸聖人之道而別矜異能則與割肉擲繩之巧何異况心逐一技易生驕吝庾王以朋友妒能羨獻以父子競勝不待求諸致遠之泥弊有不可勝言者趙壹之論梁姜也蓋深中學者之病而足以端後世之趨張懷瓘乃揶揄其短至詆爲聾瞽

白雲山房文集

卷六

三

呂氏春秋有言郢人之以兩版垣也吳起變之而見惡氏羗之民其虜也不憂其係纍而憂其死不焚也皆見之成於邪也夫君子務其遠者大者小人務其小者近石甥有意於古人之學試卽書之一端思之

烏劉甥

錦秋湖出魚巨口細鱗土人謂之多蓋卽淞江之鱸滸水由石堰北折入湖別出一種差小於鱸而美實勝之土人謂之鱣子戊辰年食於灤口北岸主人供饌甚美內有魚謂是船釘蓋卽鱣子而異其名也丙穴之嘉魚灤河之鯽古今所重而滸灤佳產不載圖經則又未知粵西之秋風烏伊犁之水雀爲若何味也今余家於滸而方亭家於灤

試辨鱗釘是二是一將書之以視後人

爲沈方亭

瀧水舊名籠水酈註一曰袁水麥秋後出小魚甚夥土人謂之蠶魚蓋浮麥所化又十八日則化羣蛾飛去由是觀之則北溟之鯤能以六月圖南龍門之鯉能以二月登天非虛也昔人嘗以二者况功名之際遇然不如聖賢之言實而可據記曰士希賢賢希聖聖希天子思子亦曰果能此道矣雖愚必明雖柔必強人之化也何日之有

爲袁生
破需

萊州石以紺碧而堅者爲佳巧匠琢爲器具不脛而走四方土人以爲常業然大槩脆而易損堅者不易得也近日復有鳳山石鳳山在萊陽去萊郡頗遠縣人鑿石輦至萊郡方能成器其石與玉相雜細碎不可剖分質又最堅成器與琢玉同功非太行磨玉砂則不能成癸酉年禹城趙生安經市得一佛手石中玉居十分之四琢削甚工再往尋之則其人他適矣丁丑六月於歷下爲呂生書筮記

此一事

爲呂生燧

舊嘗謂圖經最難者州縣之分合川澤之變遷以文籍無徵不可追尋故也今邢臺志乃不在此人物志守令有其官而不詳官於何方郡官有其職而不知官於何部祇數十年間已不可詢訪然其名字職銜散見於碑碣者多矣近揭得數種皆舊志所遺北周隋唐石刻往往而在意欲

增金石錄一門以補數百年之缺此事惟趙生汝毅足以共之

右丞詩於盛唐五言與孟襄陽並稱七言與李東川並稱其七言近體實則老杜之外一人也世無工部之才故爲七律者當自右丞入也丁丑戊寅間犁邱馬生愛時兄弟皆相從共文字經義之外時及於此以摩詰詩是夙所服膺因書數首俾朝夕目矚久當自有得也

五言詩余初學王孟後乃專用心於劉越石阮嗣宗兼及於大小二謝間希心陶韋終不能似元白則避之不肯李杜又畏之不敢也五律亦自王孟入手成宏四傑吾鄉華

白雲山房文集

卷六

三

泉先生實爲五律長城而高青邱高蘇門則亦有明一代正宗足爲後人法式 國朝漁洋山人百體皆備然實不易學外此則施愚山吳蓮洋五律特妙是所尤用心者嘉慶戊寅夏馬生乘時詩頗有進爲書此數語示之

長山袁松山先生入鄉賢祠三學呈文

竊以型仁講讓有所感斯易興景行高山無所爲而自化
故褒功崇德實寓激揚之微權而敬梓恭桑尤切沾丐於
餘韻事旣關乎典禮教卽畀於彝常故某官某圭璋標格
冰雪澄襟鍛鍊極於精純學稱先以則古進取規其正大
事不言而躬行晚表白社之儀早著黃童之目恪勤子職
羣論必期躬親篤厚弟昆貓犬亦孚雍睦是以陔蘭揚馥
門流孝水之芳聲鄂棣聯輝里傳怡堂之盛事又復敏以
修業謙以接人在一鄉則友一鄉砥成金錫之品擁萬卷
而破萬卷喜爲菽粟之文雖嘉祐設科榜偶遺夫明允而
元和擢善起不後於陽城於是本其居家者以居官因之
竭其作忠者以作孝蓋皆歷有成績可紀則亦莫非篤棊
輪忱矣泊乎解組歸田得告旋里資膏鄉塾分潤義莊關
梁毀而重興廟貌圯而獨在濟困周急勸善息爭凡有利
於人者無不爲凡有關於己者無不盡君子知義觀其行
而共明其心見爲醇儒之及物小人昵私悅其澤而不得
所喻謂是真如之現身蓋衆口皆若合符而至今正如一
日則豈獨豐臺文社揚燕山之高風雷峯扁舟留浙水之
佳話也哉夫是以生嚴義方歿存式穀成公輔於膝下傳
忠孝於人間有開必先固非公慚卿而卿慚長無美不濟

實由父傳子而子傳孫以此爲天地之完人於後徵古今
之明德乃父以子貴屢邀 褒寵於絲綸而神因民成未
光尸祝於俎豆豈曰典闕實未心安夫祀伯鸞於會稽本
非故里而碑曼倩於厭次亦屬前朝因之歷選曩修於焉
近稽我邑飲山泉覺其芳冽范文正以流寓而建祠履夜
雪思夫清寒陳仲子以崎行而表墓苟其頑廉懦立同是
水長山高矧夫中行近在吾黨人情疑耳而信目熟其事
則所感自眞至教旌善以化民因所願斯其被益切盛舉
攸係輿論僉同寧曰宏獎風流正以闡揚名教

王孺人舉節孝三學呈文

竊以從一正人倫之始旌善爲風化所關故苦節之貞著於易象而靡他之誓載在風詩若其事有所難必爲聖人所尤重於其理無可易宜爲褒揚所最先邑節婦晉氏者郡庠生王祖離之生母選州同王兆郎之副室也質毓清華家本單素不借公宮之教能嫻女誡之儀旣賦有家轉遭慘遇方今六十有六歲于歸者五十年溯昔二十有六齡孀居者四十載青燈勵節白髮完名旣有光於閨箴正深合於 恩例而尤難者所天告殞有男方孩膠木纏牀履綏方介於屈體萱草委庇庇蔭恒艱於推心然而淑慎

白雲山房文集

卷六

美

得承事之歡仁慈徧羣下之福嫡嗣遠宦門內初無間言宗公罔恫隔下不憂代匱旣閑家而植業旋教子以成名是固全幽閒於從容昭貞靜於和緩實則春月虬栢葉葉經青女之霜雪窗熊丸顆顆漬黃鵠之淚者也夫談婦節者於激烈易動而語閨貞者以貧約爲先不知遇不同所同者彝常境無分所分者志氣當夫中有所矢慈親且不能知而情有所難聖人或不復禁若言蓬葦以無資難守而簪閨以多賴易存則夫鳳去樓邊鸞分鏡裏心淹枕淚人稱未亡腸迴刀聲窮已無告縱温璇室而陳錦繡何加於水寒將炊玉禾而饌青精益增於槩苦此所以歐母荻

字附見宋史之篇共姜柏舟獨標鄘風之首也至於嬰曰
難易前賢業有定評陶孟後先奕世未妨同傳以名家之
闡型而飲茹有甚於寒峻以早歲之閭節而保全不止於
藐孤則是於尋常伉儷間曲曲獨傳其苦衷乃能於從容
堅貞內挺挺別開夫生面於此而不表芬以揚烈其又何
以厚俗而培風輿論既同表章宜切爲此徵事繕冊云云

白雲山房文集

卷六

七

王聘于婚啟 爲甥允楚

屏雀凝輝牽朱絲於月下門龍耀彩翹紫電於雲中河洲
之水乍融鴛鴦欣其成耦山頭之玉學種穀璧忽然得雙
百年合天定之符六禮正人倫之始閣下淄水華閨青社
名宗家業縹緗兼富當陽之武庫人爛翰墨遂聚穎尾之
文星難弟難兄惠連與康樂競爽是父是子斜川與和仲
齊名蓋上篤作述之光斯下行門閨之慶昔傳謝蘭今瞻
寶桂矣某樗櫟凡材韜鈴末品少慕投筆常懷玉關之風
長閱談兵始識金馬之貴家貯書而未讀心懷慙以何言
欲蹀躞以觀成奈北門之管已謝假競病以自覆則東郭
之孳無聲悔於厥身期之其子令學伊喔或識之無聞淑
姿誕毓德門正小兒高攀良助謝安石唱詩庭畔旣咏絮
而咏鹽蘇明允講學閨中自可轍而可軾如少游之高朗
固謂鍼芥之相投卽王郎或齷踈亦借詩書以漸染因是
遙傳水間之語於焉恪修月下之書永締山盟何求金諾
則願福綬駢履德並齊眉遙卜肅雝規稷矣之桃李永諧
靜好因友之以瑟琴將邀福者無量卽繼體者有托

于報王婚啟

芙蓉並蒂忻牽霞畔朱絲珠璣連行快睹雲間錦字頻承
簞而流藻久稽首於來鴻旋啟贖以熏香敢忘情於卜鳳
瑤華宜報門楣增輝戲下麟閣英姿虎符偉畧家傳青紫
登甲榜者二十有八人代著勛猷光仕版者一十有三世
信乎江左王謝珥葉葉之金貂河北崔盧稱人人爲玉樹
者矣爾乃甫掇魏科方思建牙而秉鉞一握戎篆旋卽解
組以抽簪付冢嗣以七書爲璋也得父彬之武分諸男以
六籍寧寅也同弟宏之經美金而範以鎔多男而授之事
豈其玉關封侯蘭臺成史班叔皮將以耆德老也意者淮

白雲山房文集

卷六

完

肥奏凱東山蠟屐謝太傳行以雅量鎮之某默切傾心素
嘗翹首第詩書之分旣淺韜鈴之命復慳羨彼蠹魚三食
神仙字而卽化類渠斥鷃一搶枋榆杪而不飛擊缺王處
仲之唾壺何關老馬伏櫪生盡劉豫州之髀肉只合矮屋
結髦惟是勉諸弟以君子之儒不墜箕裘成業卽可退吾
身爲小人之事行當稼圃兼營斯久羨珠玉之當在而自
甘瓦礫之在後也乃屬者遙托永言勤求柯質因蘇李之
舊好結朱陳之新姻蓋惶與悚而來并亦感與愧之交集
夫兼葭容許依玉而葛藟詎能攀喬雖然嫁女當勝吾家
本前賢之明訓而納采先達其禮尤古經之微言相攸者

審其地愛子者托其人憑所知以度材自然喬任梁而梓
可棟指令居以燕譽正當錦是水而花名山天旣合兩姓
之歡人宜定百年之約則願琴瑟永好室家咸宜桂繁孫
枝廣竇庭之五桂槐蔭奕葉綿蘇銘於三槐麇遊新居階
際頻得朱紱燕來別業巷成並是烏衣則戚里於以有榮
而蓬華因之邀福臨啟無任

白雲山房文集卷六終

白雲山房文集

卷六

四

墓誌銘

門人張宗光撰

沙以水潤不足與談水木以雨榮不足與談雨光其何以知先生哉自先生歸老時諸弟子亡者不可復作遠近仕宦及散處各省郡皆不得趨侍光亦匏繫海濱惟周明經作霖魏孝廉淳嘏胡明經公桓與在籍諸人理終事以遺命命光誌墓石驚悼而不敢任遲難者久之謹卽平日所聞與記畧撮而序之先生姓張氏諱象津字漢渡號莪石別號雪嵐山東新城人先世由直隸棗強徙居五世鄉飲賓科六世文學世勳文學生熠斗 贈文林郎河南偃師縣知縣爲先生高祖選貢生朝宗爲先生曾祖祖慶甲歲

墓誌銘

貢生授在平訓導未任卒父希駿亦歲貢生先生紹承家學理溯道原之所自功會往哲之所歸視聖經賢傳卽此身心問事所以明其體而達之用者盡實地之可居於諸史參驗古今得失利弊於諸子百家與歷代儒先所傳博取其益一切人情物理無絲毫放過故事求第一義而觀其會通至嚴義利之分則有必不可奪者先生弱冠後爲邑諸生歷十九載乃以選士貢太學又六載舉庚子鄉科再試禮闈不第揀選知縣至八十有三改就教職銓授濟寧直隸州學正未三載告歸於經濟皆未能有所展然其言行之著明正無實事空言之分也先生之於親承歡在

貧窶中道義之領受菽水倍見清腴垂危時至以身溫將
寒之體歿後終其身有無窮之戚惟念父母關心之事與
關心之人求其無憾長兄出遊不返尋覓無音耗奉嫂氏
四十年如一日仲叔以及疏屬咸盡心力大宗小宗事無
不修舉而家訓勸戒無非遠謨爲里中立差役科條法良
意美利賴靡窮其論堪與葬書與諸題記不第關於一時
一地而邑中水利四議委曲詳盡惟俟舉而行之佐劉寄
菴明府築邑城偕人士矢諸神祇自儲食用不私糜一錢
不私徇人一物其知人善任防僞杜弊惟誠心之孚衆也
至劉明府因曹縣前官事赴軍臺邑爲捐贖先生備歷艱

墓誌銘

辛又與人之有終始也平生切於誨人故講習時多師友
之情爲最篤請業者不遠千里往來常數十百人聞發諸
經示人以聖賢之必可學倫常日用隨在使有以自勉理
則洛閩法則湖州每於燈寒藿苦相期千古海濟河潔之
間莫不奉爲人師經師津門范陽襄國之地凡化雨所及
經指授者皆有以振衰而起靡也漢唐後詩古文諸名家
率皆以卓異之才竭畢生之力審其徑途窮其堂奧遂使
爲不朽事業由明洪永以來又爭之於時藝而已先生詩
備古今體亦重神韻氣度要以性情爲主原本於尼山詩
教他非所屑也其於名德茂績仁人義士以及賢媛節婦

有關天經地義者見諸傳記使此心此理可持以永世遇里巷一節之長亦闡而揚之於論列所及皆兼古文諸家之勝惟因其理勢而神明於法故人之持高論者方謂以歐蘇之筆發程朱之理先生則曰果有程朱之理必不爲歐蘇之文至於經藝先生自有籍博士以先民楷模與時消息而挾經之心務使題得其情字得其職初無得失之見存於中及門與從事於斯者不務時趨不求速效期於善爲說辭善言德行其登甲乙以騰茂蜚英德可立功亦可立豈非本末源流歸於一致乎先生長身玉立自少清癯而善於存養日以清健致功惟以朝氣謂學人要養清

墓誌銘

三

陽之本始不墮入冥途其得力不在捷而在於遲人不能停目處獨能息之深深故十五始授書日不過數紙越二十有三遂過日成誦其旁搜遠紹每得古今秘本後三十有五便不汲汲博覽時檢閱已讀之書以參互考証八旬後第玩味周易一編以爲安身立命不外此也所見於著作詩之類畫中集花山集荻石詩抄任城詩抄文之類序記書論雜著等若干篇所纂定新城後誌邢臺縣誌考工釋車離騷義疏等韻指掌圖數種藏於家四子書及周易功力爲多於前人聚訟處亦特有所見時覺進境不一不遽以爲定論晚年得目疾遂不獲成書病中每爲此咨歎

云先生生於乾隆三年正月十七日亥時卒於道光四年九月三十日戌時享年八十有七配王孺人繼榮孺人側室李碩人國碩人嗣子允倬子允佺允价女三人孫繩武繼武紹武繹武緒武孫女三人曾孫師中履中泰中謙中豫中曾孫女一人允倬等與門人以其年十二月初二日葬先生於里南之新阡閱歲以墓誌埋諸隧道而系之銘曰

渾渾大造孰播粹精先後覺相餉而相承祇此庸行共此遺經明辨以哲純粹以精開宿霧豁正路於先生瞻山仰斗何廣狹晦明之有苟斯文之不替券貞砥於世世

墓誌銘

